

ՀԱՆՐԱՊԵՏԱԿԱՆ ԱՌԱՐԿԱՅԱԿԱՆ ՕԼԻՄՊԻԱԴԱ  
ՀԱՅ ԳՐԱԿԱՆՈՒԹՅՈՒՆ  
ՄԱՐԶԱՅԻՆ ՓՈՒԼԻ ՀԱՐՑԱՇԱՐԻ ՊԱՏԱՍԽԱՆՆԵՐ  
12-ՐԴ ՂԱՍԱՐԱՆԻ ՀԱՄԱՐ

*1. Նշի՛ր Գուրգեն Մահարու հնգապատումի վիպակների վերնագրերը, ի՞նչ նախահիմք ունեն դրանք, և ո՞ր վիպակն է մնացել անավարտ:* (1,5)

**Պատասխան** - «Մանկություն», «Պատանեկություն», «Երիտասարդության սեմին», «Երիտասարդություն», «Ծաղկած փշալարեր»:

Ինքնակենսագրական վիպակներ են:

Անավարտ է մնացել «Երիտասարդություն» վիպակը:

*2. Ո՞րն է Շահան Շահնուրի «Նահանջը առանց երգի» վեպի ստեղծման հիմնական դրդապատճառը.*

ա/սփյուռքահայերի ձուլման վտանգի ահազանգը հնչեցնելը  
բ/դժբախտ սիրո պատմություն ներկայացնելը  
գ/Եվրոպայում ապրող և ուսանող հայ երիտասարդների կյանքը պատկերելը  
դ/հեղինակի կենսագրության մանրամասները գեղարվեստորեն վերարտադրելը:

(0,5)

**Պատասխան** - ա/սփյուռքահայերի ձուլման վտանգի ահազանգը հնչեցնելը

*3. Ծովուն վրա կրծփար, կ'օրորվեր, կըտատաներ, կոնակի վրա պառկած, բոլոր հասակովը ջուրին երեսը: Գերմարդ մըն էր ասիկա, մեծ-մեծ բացված, կարծես թե զարմացած աչքերով ու անթարթ, համառ նայվածքով մը դեպի երկինք՝ ուր լուսինը, իր տասնըհինգին մեջ, արծաթե կլոր ու հսկա դրամի մը պես կը փայլեր:*

*Հայ արձակագիրներից ո՞ւմ և ո՞ր ստեղծագործությունից է հատվածը: Բացատրիր հատվածի փոխաբերությունը նորավեպի համատեքստում:*

(2,5)

**Պատասխան – Գ. Չոհրապ, «Ճիտին պարտքը»**

Հերոսի կյանքի իմաստը դարձել էր դրամի հայթայթումը՝ «Ճիտին պարտք» դարձած «անտակ» պայուսակը սնունդով լցնելու համար: Եվ անգամ մահվան ճիրաններում հերոսի հայացքը չի դադարում դրամ փնտրել՝ դրա ցանկալի պատկերը տեսնելով տասնհինգ օրական լուսնի վրա:

**4. Ո՞ր միտքը ո՞ր հեղինակինն է.**

1. Ոչ մի պաշտոն կամ կոչում չկա, որ հավասար լինի և կարելի լինի համեմատել մարդ կոչումի հետ:
2. Ողբերգությունները բեմից իջել են և բռնել կյանքի ասպարեզը:
3. Գրածներդ ոչ մեկ հայու կրնան խոսիլ, որքան ատեն, որ անոնց մեջ <<կարոտ>> բառը չկա...
4. Աստված փիլիսոփայությունը պարզել է մարդկային հոգիները գեղեցկացնելու համար:

Ա.Շ. Շահնուր  
Բ.Դ. Անհաղթ

Գ.Հովհ. Թումանյան  
Դ.Կ. Զարյան

(2)

**Պատասխան – 1. -Գ., 2.- Դ., 3.-Ա., 4.- Բ.**

**5. Չարենցի <<Երկիր Նաիրի>> վեպում որո՞նք են քաղաքի <<կատարյալ հրաշալիքները>>:**

(1,5)

**Պատասխան – Բերդը, Վարդանի կամուրջը, Առաքելոց եկեղեցին, ձորի Սլլան քարը, Ճգնավորի մատուռը: /Առնվազն երեք ճիշտ պատասխանը լիարժեք է/:**

**6. Պատմությունների ընդհանուր տրամադրությունից ելնելով՝ լրացրու բացթողումները:**

1. Երեք ընկերներ ծանոթանում են Շիրազի հետ՝ ասելով, որ երեքի անունն էլ **Ռազմիկ** է:

Շիրազը զարմանում է.- Ի՞նչը կեղնի, բուրբոդ Ռազմիկներ եք, իսկ Մասիսը ... :

2. Հրատարակչության բաժնի վարիչ Եղիշե Չարենցի աշխատասենյակ է մտնում մի գրող, թղթապանակը ձեռքին և կատակել ցանկանալով՝ ասում է.

- Մի վախեցեք, մեջը ձեռագրեր չկան:
- Բա ինչո՞ւ ես պտտեցնում այդ դատարկ թղթապանակը,- հարցնում է Չարենցը:
- Պտտեցնում եմ, որովհետև մեջը լիքը հանճարեղ մտքեր կան,- շարունակում է կատակել գրողը:
- Հանճարեղ մտքերը .... .... .., ոչ թե դատարկ թղթապանակներում,- պատասխանում է բանաստեղծը:

(2)

Պատասխան – 1. գերի է, 2. հանճարեղ գլխում են լինում:

7. Հ. Շիրազի <<Բիրլիականը>> պոեմը <<Ոգու կատարյալ ներդաշնակության>> հասնելու ցանկությամբ միջնադարյան ո՞ր հանճարեղ ստեղծագործությունն է հիշեցնում: Այդ ներդաշնակությանը հասնելու ի՞նչ ճանապարհներ են ընտրված երկու ստեղծագործություններում:

(3)

Պատասխան – «Ոգու կատարյալ ներդաշնակության» հասնելու ցանկությամբ «Բիրլիականը» հիշեցնում է Նարեկացու «Մատյան ողբերգության» երկի ընդհանուր ոգին: Նարեկացու քնարական հերոսն ինքն իրեն հաստատում է Աստծու առջև իր թերի, աղավաղված էության խոստովանությամբ և ձգտում դեպի կատարյալը: Շիրազի քնարական հերոսը այդ ուղին սկզբում որոնում է իրենից դուրս, և ապա միայն գիտակցում, որ իրենից դուրս եղածը կա այնքանով, որքանով արտացոլվում է իր գիտակցության մեջ:

**Ջ.Լեզուն, որով գրեցի՝ երկրի երեսը քիչեր**

**Կը կարդային զայն արդեն ու պակսեցան անոնք ալ..**

**Հարյուր տարի վերջ միայն, իր այս ձևով, այս սխալ**

**Կամ ճիշտ ձևով ու հնչմամբ՝ լեզուն անուշ, զոր խոսեր**

**Էին անուշ տղաքներ, զուցե խոսող չունենա...**

Ո՞ր լեզվի մասին է խոսքը և ի՞նչ պատճառներ ունի Թեքեյանի մտահոգությունը:

(2,5)

**Պատասխան-** *Խոսքը արևմտահայերենի մասին է: Թեքեյանի մտահոգության պատճառը օտարության մեջ /սփյուռքում/ հայության ուժացման , ինքնության կորստի վտանգն է:*

9.Նա գիտեր

- ջրից ոսկի ստանալու գաղտնիքը
- որ երկիրը գնդաձև է
- որ երկրի հավասարակշռությունը պահվում է երկու հավասարազոր հակադիր ուժերով :
- որ ամեն լինելիություն ենթադրում է քայքայում և ամեն քայքայման մեջ սաղմնավորում է լինելիության սակզբնավորումը
- ոչինչ չի կորչում, այլ մի տեսակից փոխակերպվում է մեկ այլնի

Ո՞ւմ մասին է խոսքը և ո՞ր դարում է գործել նա:

(2)

**Պատասխան-** *Անանիա Շիրակացին է, 7-րդ դար:*

10. Նրանցից մեկը մասնագիտությամբ բժիշկ էր, մյուսը՝ իրավաբան: Ապրում էին միևնույն քաղաքում, ստեղծագործում էին միևնույն ոլորտում, նրանց բաժին հասավ նույն ճակատագիրը:

Ովքե՞ր են նրանք, որտե՞ղ էին ապրում, ի՞նչ ոլորտի և ինչպիսի՞ ճակատագրի մասին է խոսքը:

(2,5)

**Պատասխան-** *Բժիշկը Ռուբեն Սևակն է, իրավաբանը՝ Զոհրապր, ապրում էին Պոլսում /Կոստանդնուպոլիս/, ստեղծագործում էի գրական ոլորտում, երկուսն էլ, ցեղասպանության զոհ են:*